

**Svæðisráð Austursvæðis Vatnajökulspjóðgarðs**  
**10. fundur**  
**haldinn í fundarsal Fljótsdalshéraðs, 1. febrúar 2008**

**Mættir:** Eiríkur Björn Björgvinsson, Björn Ármann Ólafsson, Magnhildur Björnsdóttir, Þórhallur Þorsteinsson, Skúli Björn Gunnarsson og Skarphéðinn G. Þórisson.

**Dagskrá:**

1. Málefni Möðrudals
2. Önnur mál

Formaður stýrði fundi og setti hann kl. 15.00. Gengið var til dagskrár.

**1. Málefni Möðrudals**

Vilhjálmur Vernharðsson og Elísabet Svava Kristjánsdóttir, sem ábúendur og rekstraraðilar ferðaþjónustu í Möðrudal, mættu á fundinn. Rætt var um upplýsingastöð þjóðgarðsins í Möðrudal. Fram kom hjá Vilhjálmi og Elísabetu að mikil umferð lægi inn á hálendið í gegn hjá þeim og stöðugt væri verið að leita eftir upplýsingum. Um 40.000 manns komu í hlað í Möðrudal á síðasta sumri og gera má ráð fyrir 5000 manna fjölgun milli ára miðað við síðustu ár. Vilhjálmur og Elísabet sögðust hafa ákveðnar hugmyndir um hvernig þau sæju fyrir sér upplýsingaaðstöðu í Möðrudal sem væri þá jafnvel viðtækari en bara fyrir þjóðgarðinn. Einnig kom fram hjá þeim að æskilegt væri að í upplýsingamiðstöð í Möðrudal væri starfsmaður með landvarðamenntun. Formaður óskaði eftir því að þau settu fram skriflega hugmyndir sínar um uppbyggingu þessarar þjónustu í Möðrudal og kæmu þeim til svæðisráðs sem gæti síðan komið umræðu um þessi mál af stað í stjórn þjóðgarðsins.

Gestir yfirlögðu fundinn að loknum þessum lið.

**2. Önnur mál**

- a) Rætt var um landvörslustöðvar, samninga um þær og þá þjónustu sem þar þarf að veita.
- b) Rætt um næsta fund sem verður með Aðalbólsfólki á mánudaginn 4. febrúar. Formaður óskaði eftir að svæðisráðið gæfi sér tíma á fundinum til að fara yfir fleiri mál þar sem von væri á Þórði Ólafssyni, starfsmanni stjórnar, á fundinn.
- c) Rætt var um umræður sem urðu á Alþingi um Vatnajökulsgarð í vikunni. Svæðisráðið sammála um að kynna málefni austursvæðis fyrir þingmönnum kjördæmisins við tækifæri.
- d) Áfram stefnt á stóran fund 21. febrúar og hefur formaður rætt við stjórnarformann um að koma á fundinn ásamt starfsmanni.

e) Formaður kynnti ákvörðun frá Alcoa Foundation um að styrkja meistaranám á sviði umhverfis- og þjóðgarðastjórnun við Þekkingarsetrið á Egilsstöðum.

Fleira ekki rætt og fundi slitið kl. 16.30.

Skúli Björn Gunnarsson  
ritaði fundargerð

Eiríkur Björn Björgvinsson

Björn Ármann Ólafsson

Skarphéðinn G. Þórisson

Magnhildur Björnsdóttir

Þórhallur Þorsteinsson